

**OFISI YA RAIS TAMISEMI
HALMASHAURI YA WILAYA YA BUSOKELO**

SHULE YA SEKONDARI KISEGESE,
S. L. P 708,
TUKUYU.

SIMU;
(MKUU WA SHULE) 0756683840
(MAKAMU) 0627725295

Kumb. Na. Kss/usaj/vol 02/5 **14.12.2020**

Jina la mwanafunzi.....

S.L.P.....

**YAH: MAAGIZO YA KUJIUNGA NA SHULE YA SEKONDARI KISEGESE
KIDATO CHA KWANZA MWAKA 2021.**

Napenda kukujulisha kuwa umechaguliwa kujiunga na kidato cha kwanza katika shule hii. Hivyo unatakiwa kuripoti shuleni tarehe 11/01/2021 siku ya Jumatatu saa 1:00 asubuhi.

MAHITAJI:

A. SARE ZA SHULE.

- i. Wavulana wanatakiwa kushona suruali mbili (2) za heshima (rangi ni kijani na dark blue)
- ii. Wasichana wanatakiwa kushona sketi mbili (2) za heshima kuvuka magoti (rangi ni kijani na dark blue)
- iii. Kila mwanafunzi aje na sweta la kijani
- iv. Mashati mawili meupe tetroni mikono mifupi kwa wavulana na wasichana
- v. Viatu vya ngozi rangi nyeusi vyenye kamba visigino vifupi jozi mbili.
- vi. Kila mwanafunzi anatakiwa kuvaa raba nyeusi siku ya Ijumaa (Siku ya michezo).
- vii. Kila mwanafunzi ajinunulie track suit rangi ya kijani itavaliwa siku ya Ijumaa.(Siku ya michezo)

IKUMBUKWE: Sare hizo zitakaguliwa siku ya kuripoti.

B. VIFAA VYA DARASANI & USAFI.

Kila mwanafunzi anatakiwa kuwa na:-

- i. Begi la kubebea madaftari.

- ii. Madaftari makubwa kumi (kuanzia Quire 3)
- iii. Mkebe mmoja, rula na kalamu za wino za kutosha.
- iv. Ndoo lita kumi moja, kwanja moja, jembe lenye mpini na ufagio wa chelewa mmoja (wenye thamani ya sh 2,000/=)

C. CHAKULA CHA MCHANA KWA WANAFUNZI

Kila mwanafunzi alete:

- i. Mahindi debe mbili (2) kwa mwaka.
- ii. Maharage kimbo kumi na mbili (12) kwa mwaka.
- iii. Tsh. 5,000/= kwa ajili ya kumlipa mpishi, kusagia mahindi (Hakikisha unapewa risiti ukilipa, Uamuzi wa kikao cha wazazi)
- iv. Mafuta lita mbili (2)
- v. Chumvi pakiti tano (5) kwa mwaka
- vi. Sahani moja na kijiko kwaajili ya chakula.

D.MAAGIZO MENGINE:

Mwanafunzi anatakiwa kuleta

1. Chet cha kuzaliwa
2. Fomu ya daktari toka kituo kinachotambulika yenye majibu ya vipimo vyake vya afya.
3. Nakala ya sheria na kanuni za shule (atapata akifika shuleni)
4. Kuleta ream moja ya karatasi kwa mwaka, (karatasi kwa ajili ya mitihani)

Nakutakia utekelezaji mwema.

**STEPHEN B. KYUMANA
MKUU WA SHULE**

Nakala:

1. Afisa elimu kata,
Kata ya Isange,
S. L. P 2,
TUKUYU.
2. Afisa elimu sekondari,
Halmashauri ya wilaya ya Busokelo,
S. L. P 2,
TUKUYU.

**OFISI YA RAIS
TAWALA ZA MIKOA NA SERIKALI ZA MITAA**

SHERIA ZINAZOTUONGOZA SHULE YA SEKONDARI KISEGESE

1. Ukiwa ni mwanafunzi wa shule hii, unatakiwa kutumia akili yako vizuri kwa mambo yote uyatendayo.

2. KUSOMA NA MAHUDHURIO

- a) madhumuni makuu ya kuja kwako hapa shuleni ni kupata Elimu,hivyo ni jukumu la kila mwanafunzi kusoma kwa bidii kwa manufaa yake mwenyewe na familia yake, shule na Taifa pia.
- b) Kuhudhuria darasani ni lazima, kila mwanafuzl awepo darasani kwa utuiivu,amani na adabu muda wote wa darasani
- c) mwanafunzi atakayeshindwa kuhudhuria darasani kwa siku 21 mfululizo pasipo sababu ,zinazoeleweka na uongozi wa shule atakuwa amejikosesha na kujifuta shule mwenyewe.
- d) kwa muda wote utakapokuwapo hapa shuleni lugha pekee inayotumika ni kiingereza na Kiswahili kwa mawasiliano yote, lugha za asili haziruhusiwi.

3. MIPAKA YA SHULE

- a) Mwanafunzi anatakiwa muda wote awepo ndani ya mipaka ya shule pindi anapokuwapo shuleni, ni marufuku kwa mwanafunzi kuwepo nje ya mipaka ya shule kwa muda na masaa yote ya muda wa shule pasipo kibali maalumu, hii ni pamoja na kutembelea katika nyumba na makazi ya walimu.
- b) Pia ni marufuku kwa mwanafunzi kuonekana katika nyumba za wageni, vilabu vya pombe na kwenye magenge ya vijiwe vya wavutaji na wahuni.
- c) Mwanafunzi anapokuwa nyumbani hatarajiwi kuzurura hovyoy zaidi ya saa 1:00 usiku ni makosa kwa sheria ya shule.

4. SARE YA SHULE

- a) Kila mwanafunzi atatakiwa kuwa katika vazi rasmi la shule muda na saa za shule maeneo ya shuleni, njiani anapokuja shule na anaporudi nyumbani na katika mikusanyiko rasmi ya shule nje ya shule na ni marufuku mwanafunzi kuvaa sare za shule mitaani siku ambazo sio za shule bila kibali na ruhusa kutoka shule, marufuku hii inaenda sambamba na mapambo na urembo wowote ni marufuku.

5. HESHIMA NA KUJIHESHIMU

- a) Hii ndio nguzo yetu kuu ya nidhamu ya shule kwa kuheshimu wakubwa na wenzake, kila mwanafunzi inampasa kuwa na mwenendo bora njiani kwa jamii, walimu na wafanyakazi wasio walimu kwa kuwaheshimu na kuonyesha nidhamu bora wakati wote.
- b) kuheshimu bendera ya TAIFA, wimbo wa TAIFA, fedha ya nchi, uongozi wa nchi na wimbo wa shule.
- c) Ni marufuku na huruhusiwi kutumia lugha chafu kwa mtu yeyote na katika mazingira yoyote nani na nje ya shule.

6. USAFI

- a) Kila mwanafunzi anatakiwa kuzingatia usafi wa mwili kuanzia kucha mpaka nywele, mavazi na mazingira.
- b) Ni marufuku kuwa na kucha ndefu, kunyoa mitindo isiyostahili, kupaka rangi/dawa nywele na mambo yote yanayokuwa kinyume na mazingira ya shule.

7. UTII

- a) Kila mwanafunzi anapaswa kutii kengele mara moja kwa kukimbia.
- b) Kila mwanafunzi anapaswa kutii mara moja wito wa mwalimu/watumishi/viraja mara anapitwa kwa kukimbia.

8. UTUNZAJI WA MALI ZA SHULE

Mali ya Shule/Jumuiya

- a) Ni jukumu la kila mwanafunzi kutunza au kutumia kwa uangalifu mali yoyote ya shule kama vitau, viti, meza, vifaa vya maabara na majengo.
- b) Kuweka maandishi ya aina yoyote ile kwenye kuta, viti, meza na mahali popote pasipostahili ni uharibifu wa mali ya shule. Pia usitumie ubao wa shule bila idhini ya mwalimu.
- c) Kitendo chochote kitakachosababisha uharibifu au upotevu wa mali ya shule kwa uzembe kitapelekea kufukuzwa shule ama kufidia uharibifu au upotevu huo.

Mali binafsi:

- a) Mali yoyote ya binafsi itunzwe kwa uangalifu.
- b) Mwanafunzi anashauriwa kuepukana na utunzaji wa fedha kwa mwanafunzi mwenzake.
- c) Wizi na matatizo mengine yanayoambatana na upotevu wa mali sharti uripotwe kwa kiongozi anayehusika mara moja.

9. UHUSIANO NA JAMII

- a) Hakuna mwanafunzi yeyote anayeruhusiwa kutoa maelezo yanyohusiana na shule hii kwa mtu wa nje bila kupata idhini ya mkuu wa shule.
- b) Mwanafunzi haruhusiwi kujiingiza kwenye mikataba au mikopo ya aina yoyote ile na watu wa nje bila idhini ya mkuu wa shule.
- c) Mwanafunzi anapotembelea mahali popote pale, hana budi kuheshimu, kutii na kufuata sharia za mahali pale.
- d) Mwanafunzi haruhusiwi kujihusisha na biashara ama michezo inayohusiana na fedha muda wote awapo shuleni.

10. MAMBO YANAYOWEZA KUMFANYA MWANAFUNZI AFUKUZWE SHULE

- a) Wizi
- b) Uasherati, ubakaji na ushoga
- c) Ulevi wa pombe aina zote
- d) Matumizi ya madawa ya kulevya kama bangi, cocaine, mandraz n.k
- e) Makosa ya jinai
- f) Kupiga au kupigana
- g) Kuharibu kwa makusudi mali ya umma
- h) Kudharau bendera ya Taifa au wimbo wa Taifa
- i) Kuoja au kuolewa
- j) Kusababisha mimba ndani na nje ya shule
- k) Kupata mimba au Kutoa mimba
- l) Kugoma, kuchochea na kuongoza mgomo au kuvuruga amani na usalama wa shule au watu
- m) Kukataa adhabu kwa makusudi

11. UTII WA SHERIA ZINGINE

- a) Kila mwanafunzi anapaswa kufuata ratiba ya kila siku ya shule
- b) Kila mwanafunzi anapaswa kutii na ufuata sharia za Nchi pamoja na sharia ndogo zilizowekwa na mamlaka mbalimbali.
- c) Mwanafunzi haruhusiwi kuwa na simu katika maeneo ya shule.

TAARIFA BINAFSI ZA MWANAFUNZI KIDATO CHA KWANZA 2021

1. Jina kamili
2. Mahali alipozaliwa
3. Tarehe ya kuzaliwa
4. Jina la babahai/marehemu..... kama ni
mzima, anafanya kazi gani? nambayasimu
5. Jina la mama hai/marahemu.....kama
nimzima, anafanyakazi gani? namba ya simu.....
6. Je mama na baba wanaishi pamoja? kama hapana; Je, wewe
unaishi na nani?
7. Kama yatima jina la mlezi.....kazi anayofanya.....
namba ya simu.....uhusianonamlezi.....
8. Anwani ya mzazi /mlezi
9. Shule ya msingi uliyotoka
10. Dhehebu/ Dini
11. Nathibitisha kuwa habari nilizotoa ni za kweli na sahihi.

Saini ya mwanafunzi Tarehe.....

Saini ya Mzazi/Mlezi Tarehe

Fomu hii itakabidhiwa kwa mkuu wa shule unaporipoti shuleni.

MEDICAL CERTIFICATE FORM

STUDENT NAME.....

To be completed by a Government Medical Officer or a doctor from a recognized health institution in respect of form one entrant. Please examine the above as to her/his physical and mental fitness as a student at this school.

The examination should have to involve the following categories

1. Vision with glasses right left.....
2. Blood pressure
3. Hemoglobin
4. F. V. Bleeding
5. Urine for sugar.
6. Stool for routine examination
7. Venereal diseases
8. Neurosis
9. T. B. Test
10. Any abnormality
 - a) Heart
 - b) Lung
 - c) Spleen
 - d) Chest
11. Is there any serious disease e.g. Leprosy, Epilepsy, Asthma, Diabetes

Doctor's name.....

Signature and official stamp

.....

Date